


通齋詩

通齋



憲石先生詩序



者千古如故也其流韻於霄壤之間煙雲水石艸木蟲鳥亦千古如故也獨發言為詩代新時異宋元明遞變勿論

矣借指三唐君為漢魏晉梁
弗類也指漢魏晉梁君為太
史之風朝廟之雅頌弗類也
指風雅頌君為薰絃之歌白
雲之謠尤弗類也嗟乎山水
宕吞烟嵐散合今古無殊其

所君託物比興者不外此山
水煙嵐乃登高興深覽幽神
會而風流颺忽絢綵其章於
一代間求一人焉兼古今而
有之蓋其難哉

憲石先生史擅三長學包二

酉備四時之氣餘千載之情
余小子竊讀其帳秘前後諸
刺誠哉上下古今弗可及也
已今

聖天子雅志興文先生秉道佐
燮納百揆呂熙庶績大業方

勒伊呂之鼎元音早振李杜
之名逋齋大集鏤金戛玉當
世亦已奉為月蕊天珠矣邇
復稟集近稿付梓大都皆贊
襄之暇應制賦物有俾

主德民風典謨告訓之語先生

之三
之詩豈詞壇騷客所能望見
何愈變而愈工耶數代才人
所弗克兼者先生起而兼之
其希轂未遠呂爲類虞夏之
歌商周之頌也情志飛揚以
爲類漢魏之厚晉梁之麗也

氣格高勁矩步三唐菁華掩
映度越宋元明而上矣不亦
才震當代氣凌曩哲哉余小
子將泛扁舟携一策吟咏富
春江上覺吳山越水間又移
見秦嶽黃河之大且深已昔

人謂韓柳無稱于事業姚宋
不數千篇章章先生經術文辭
咸造其極然則知先生者詎
獨呂詩哉

西湖藩吏張縉彥拜題



逋齋詩

北海安丘劉正宗可宗父著

丙申元日早朝

元辰佳氣苑中多別殿春歸物象和翠擁西山
明劍履雲連北闕隱笙歌條風乍入莫生莢珠
斗重回海晏波不用靈臺更騁望川原曉色滿
林柯

疇黃次辰早春南苑扈蹕之作

逋齋詩

共依 天仗鳳城隈春色新從御苑回林外寒
銷晴雪盡殿中香靜早梅開平原獵騎乘時令
前席虛懷動草萊新試應薦隱逸剩有鄒枚同載筆應
容劉向獨摧隤

送韞退給諫備兵吉安

東風吹早春河梁變衰草之子理簷帷關山輕
遠道自傷別思盈建樹亦願早十載共金閨憂
時悉素抱輟諫受巖疆才遺在所保四牡發廣

原江干駐大纛令德策榮名應未廢幽討興懷
一相思郵筒句定好良覲會有時獨嘆予已老

扈蹕南苑

欽賜直廬紀 恩

上林扈蹕拱辰居親拜 恩光賜直廬簾幕疑
分行殿暖攬稔全傍商雲舒戴天就日何多幸
問舍求田盡不如氣色從今添老健譚經春晝
駐

鑿輿

上駐蹕南苑閱武行蒐禮

名廷臣四品以

上同詞臣恭眎 賜宴行宮應制四首

春日存蒐禮聯鑣奉屬車陣雲深幄殿獵騎簇
鑿輿威動彎弧後歡成飲至餘長楊仍許賦珥
筆媿才踈

其二

上林暖日映晴空

天子臨戎士馬雄組練千羣驚掣電旆旌幾隊
歛長虹仁沾飛走涵春象氣肅干城振武功溫
竊和羹虛報稱喜隨鷓鷯飽離宮

其三

苑柳變春條風和獵馬驕 天威歸不殺舉鱗
奏簫韶

其四

霓旌鼉鼓動郊原萬馬奔圍靜不喧喜起于今

稱盛事統傳深殿駐戎軒

三月初二日再直西苑同豈凡

直舍瀛臺靜重來正暮春川光波乍暖樹色柳
初勻仍是依雲地兼逢修禊辰便成銷夏約載
筆有同人

春寒

春暮寒猶劇驚風脆柳枝擁裘仍就日著屐懶
尋詩作客憐偏老言歸恨已遲年光能幾許空

負杏花時

寒食署中

御苑逢寒食花風拂面饒年華因老駛客興逐
愁銷泔泔魚依藻垂垂柳映橋白頭長珥筆無

補 聖明朝

清明署中

花風駘蕩喬雲晴傑直仍存令節名乍漾川光
侵曲屛漸鋪柳色暗重城羞將伴食銷華髮幸

許傾壺慰客情
記得當年閒士女
樂遊原上踏歌行

清明後一日花前獨酌

寒食清明逐歲新
常將白髮傲緇塵
世情老至偏存拙
客况愁多正耐貧
覓醉尚餘燕市酒
偷閒終讓武陵人
十年寂寞東風裏
每到花前倍愴神

晚直感興

春風吹禁籞
夕日靜無譁
曲沼回明鏡
層臺敞暮霞
憂時才本短
仗藥病彌加
惟有罇中酒
猶堪待月華

春夜下直

乙夜下西清
繁星照鳳城
柝嚴馳道迴
風峭客衣輕
報主才難策
妨賢夢轉驚
何時隨野老
共作採芝行

西苑喜雨

直舍西清迴鑿輿帶雨來春雲全覆樹徑草半
疑苔已卜農祥慶無煩布穀催歸途暝色近翻
喜溼衣回

羸兒生志喜

堪笑龍鍾久仍懸此日弧試啼酬絡秀辨字望
童烏欲動籃輿與先供邸舍娛從人嗤老蚌且
目比雙珠

羸臺晚步

送春清禁地散步晚晴天白鳥澄波裏丹臺碧
樹前承恩仍伴食妥夢竟隨緣雨後東風暖
裘回興自偏

和豈凡清和朔直西清

艸樹經春麗池臺入夏清澹烟連遠岫微雨過
高城病覺餘寒在閒令客興生同人拈句好酬
和附嚶鳴

齋宿直廬

影靜一燈明風聲雜漏聲蕭閒因地迴迂拙託
時清入夢聞咨傲盟心剩屏營依
天真尺五敢負薦馨情

瀛臺曉色

旭日曉烟鋪新晴景更殊微茫分殿閣杳靄對
江湖爭綠菰蒲出羣鳴鸛鷺呼溪山原有興誰
信在 皇都

齋宿天壇顧羽士精舍

遠尋幽徑入几榻動清唌自是塵中客偏憐物
外心庭空春艸長壇古暮雲深無補憂勤理獨
傷鬢雪侵

欽遣內供奉就直舍寫像紀 恩

供奉螭頭筆來描遲暮顏毫端雙鬢雪夢裏五
湖山久負移文愧仍銷伴食閒難酬
明聖意敢向鹿門還

西苑柳絮

夏初堤柳重舞絮渾天工輕點瑤堦艸爭隨禁苑風度溪聲轉寂映月影還空歲歲章臺路飄颺此日同

署中偶興

翻憐尸素意署尾有餘閒短屐晴川上孤筇夕照間時艱憑廟畧客久信衰顏不盡衰哀興吟成手自刪

西苑晚眺

入夏波澄練依臺樹作帷晴雲明密藻去棹蕩斜暉闕近囂塵遠風和晝漏微坐來真不厭白鳥傍人飛

送坦公還浙

明堂登最績迈棹復江鄉足慰雲霓望兼生屏翰光薰風開古驛涼雨送危檣到日傳烽息湖山興倍長

記得曾遊處西湖綠一灣幾年全聚後此日水

雲間畫舫迎詩伯，烟巒列黛鬟。郵筒傳句好，應許起衰顏。

西苑晚直

溪亭深翠靄，清氣襲衣裳。坐與閒雲寂，心隨勝地涼。旌幢傳遠籟，荷芰散微香。彌覺西山近，峰峰帶夕陽。

重五日

賜宴泛舟紀

恩

宸遊勝日際，朱明畫裏池。臺景物清應，節菰蒲
依岼出牽風，荇藻帶雲平。震城近映龍，舟虜
部遙隨鳳管，鳴喜起一廷。預宴賞自驚，身到十
洲行。

再

名登樓船

賜食及佩香

曲宴仍沾寵，凭高醉欲醒。樹攢宮外綠，山擁檻
前青。入佩龍香異，傳餐玉食馨。感恩思報
稱，獨嘆髮星星。

欽遣就邸舍，寫像再賦紀。恩

寫照生綃傍日開彩毫遙落五雲隄朱顏久向
京塵改古態仍從畫意回浪閱滄桑堪自認相
憐形影更誰猜凌烟欲啓
君恩重報稱無能念未灰

直南苑西宮卽事

上林綿邈勢偏雄

玉蹕新移更不同自少藩

籬遮遠目兼餘几榻領長風雲峰笑兀青千疊
輦路萋迷綠幾叢喜奉宸遊馳獵騎夜來微

雨尚空濛

移直南苑東宮卽事

重移毳幕靜最與晚涼宜風過長林細霞明落
照遲御函閒啓事獵騎引鑾儀仍覺無營
好何辭署尾嗤

二

衰遲甘自適扈從興偏長事簡官同隱林深暑
亦涼三杯烹茗後一枕撿書傍咫尺紅塵外堪

忘岐路半

三

瘵曠唳何補疎慵幸不違依
天銷永日共客
坐殘暉雨潤知禾稔溪深憶蟹肥
宦情兼野興
無異老巖扉

南苑聞鶯

曉鶯啼不徹盡在綠楊間
故點離宮色偏怡客
子顏詩賜清乍轉塵夢覺全刪
許厭衰年耳何

勞憶舊山

南苑喜雨二首

夏日蒸洩雲一雨滌煩暑
初起駕般雷風回遂
莫禦沾灑歷宵晨及午勢尚巨
直廬邇平原油
油對禾黍高柳綠色新
驚塵避何許珥筆白頭
翁興至引清醕

屋居苦漏多野處翻堪喜
灌莽蕩浮埃碧溪湛
清泚莎徑靜圓沙幽敞宜
屐齒公餘理一編爽

籟拂短几佳氣滿長楊西山翠環峙延竚襲晴
光披離發紅蕖

晨起卽事

雨餘饒零露晨洗離宮樹浮雲靄靄行輕陰溪
邊度禾潤綠平疇自成田野趣靈囿麋鹿馴近
人無驚顧乃知天澤弘動植理皆寓悠悠大化
間焉用馳外慕

雨後看竒雲

蒼然出遠峰百里勢綿亘黛色一何深巖壑盡
靡定髣髴移終南兼擁太華勝樓觀俯層巒登
陟乃無徑地近瀛海潛疑與蜃氣應雨後峙西
山竒秀尚未稱始知夏雲靈如酬憑眺興

咏史二首

鼂錯言見用傳自備邊始嗟哉刻深資賈禍疾
于矢智囊翻爲愚劉氏安獨喜何如規與隨寧
一歌未已古有放麈翁不忍良足倚

灌夫氣何豪，罵座族已赤。
潁水匪自濁，灌氏勢烜赫。
天道本如環，善惡跡所積。
乾唾豈良規，全身或及格。
俯仰古與今，世途未爲窄。

晚眺西山

晚際西山好，霞明翠幾重。
巖光經雨洗，樹色帶雲封。
夏日忘三伏，幽人仗一筇。
自憐京洛老，矯首對高春。

閏五再直瀛臺

紀閏仍朱夏，瀛臺許再過。
雨多全暗柳，風煖已舒荷。
古殿餘丹堊，閒堦長綠莎。
素餐驚老病，倚枕憶漁蓑。

署中對雨

衰年容伴食，直舍日偏長。
雲密天光暗，堂虛雨氣涼。
觀身寧有悟，却老竟無方。
悵望蒹葭色，盈盈一水旁。

西苑喜晴

雨滌長林潤晴開古殿陰禁烟生宿艸晝漏亂
鳴禽才拙衰難補心閒與易深坐來忘溽暑溪
上一行吟

看西苑荷花同豈凡

珥筆西清久池荷已見花曉風歌翠蓋宿雨潤
紅霞自得天波煖能令客興賒碧筒如可折共
醉夕陽斜

雨後下直

雨過夕光冥衝泥出禁庭短衣浥露溼羸馬耐
山青門牡驚傳漏堦螢訝聚星空餘思補意寂
寞嘆衰齡

駕幸西苑小獵恭紀四首

晴開禁苑煖浮烟仗外遙鳴七寶鞭自脫臂鞬
騰健翮侍臣鵠立玉驄前

連朝桂楫蕩中流又見從禽樂事稠不用射聲
驟左乘已驚燕雀靜林陬

皇情慶豫際芳辰馬埒全柔樹色新不爲宴遊
忘啓事親將起艸命儒臣

西清亭古嗣幽風此日宸遊盛事同
御筆新裁憂雨詔應知戒蹕念田功

夕晴翫月

久雨夕多陰連宵憶涼月乍見上疎簾當軒明
華髮雲薄隔輕綃雲過清光發瀾宇絕纖埃快
風吹不歇翻嫌未雨時蒼茫浪盈闕獨坐如晤

言舉觴興飛越炯炯淡銀河昏星半滅沒安得
及鬱隆矯翼探蟾窟

晨入西苑卽事

盥沐理夙駕言趨西清次晨氣暗積霖衰容一
顛頽驅馳歷九達泥淖匪易致幸足豁雙眸西
山籠曉翠輦道薙荒蕪葭菼疏遠吹愧負林壑
情撫躬良多累任運耐曠瘵庶幾寡所覲動植
盡相關魚鳥與荷芰

邸舍對雨二首

閒庭銷驟雨正是晚春時
貫酒壺仍滿攤書力
已疲風回高樹急雲度小窗
遲翻喜門無客科
頭得自怡

不是耽疎懶年衰病復侵
感時生計拙驚夢旅
懷深直舍難休沐閒情仗夕
陰明朝攜短屐禁
苑聽鳴禽

晨起苦雨

夜雨翻盆急晨興氣似秋
問廚愁乞火趨直憶
方舟傷稼能無慮毗陰豈有
由俸錢真自愧何
計迓林丘

漫興十首

白髮年年短虛登政事堂
自然知宦拙尚覺爲
詩忙對月臨蘭砌當風拂筆
床五花原有例署
尾得清狂

趨直時衝雨還家但閉門
衰多常得卧市近只

如村蝶夢知何適蚊雷乍一喧頗愁良夜急僕
馬集朝暾

憂歲遵齋禁堂餐覺更宜味清脾病後費減篋
空時獨酌當花進閒行聽鳥遲 聖朝容廢物
敢道髮如絲

宦邸無多事晨興自弄雛歡情仍矍鑠朽貌漸
凋枯藥裹經奴整詩箋倩婦鋪濟時原少具只
合老江湖

小齋餘短几清興若爲期樹色寒紗牖苔光綠
竹埤賜書時自曬買石日頻移寂寞從吾好誰
云傲守雌

直廬攜一枕銷受素餐閒到耳時禽急當門蔓
艸剛客懷惟有淡世事或應頑獨抱酬 恩意
驅馳耐鬢斑

夏陰憂甲子怕見午雲生浹日泥猶淖三農穀
未成司天爭晷漏服叛墮欂櫨昭格齋方肅懸

知定晚晴

讀書寬目力攜得韋蘓州旨趣歸陶淡時名與
孟儔衰榮因代謝簪紱亦林丘騷雅關何事風
前掉白頭

馳道來中使傳宣及夕曛御函隨去馬禁樹

駐行雲臺俯清香滿城標積翠分表哀堪盡日
鷗鷺已同羣

蕉園臨水榭清祕境無譁荷淨連朝雨葭深隔

岬霞梵聲凭閣放塔影入波斜退食矜多獲聞
銓典倍賒

早還邸舍卽事

衰隤憂曠瘵下直常薄暮雖云筋力疲職守安
吾素今午出西清煖景臨中路入門對妻孥半
日歡相聚何必遽投閒已足寬羈寓開篋理詩
書壺觴亦頗具迓照明北牕餘暉滿庭樹簾疎
動晚風欣然忘外慕

腿痛口號

少壯喜登臨濟勝時自負遲暮滯長安驅馳歲月久連朝步驟艱遂憶筇竹友直舍簡趨承躡跼亦足醜况復虛蓬瀛勝遊不能偶苦樂信有時達人貴順受拊髀悔夜行欲訪支離叟

署中病臥

衰至不辭病所愧尚驅馳晨興理敝絺櫛畢力已疲叱馭歷金門翻與偃仰宜沉沉聽遠漏視

陰苦晝遲乳燕飛且鳴宮槐蕊密垂時序何容易行與閏夏可排悶仗一編眸昏倦復隨撫躬但三嘆鹿門安可期

雜興

夏屋宜虛敞臨風啓南牖過牖饒蒸雲時時幻蒼狗旣豁枕上眸觀化兼堪取遐哉塞馬翁何如摸稜手

二

殷雷薄晚照靄靄集行雲陰晴晷刻殊坐見簾
幕昏却怪鄉書來四野尚如焚有餘不足間造
物安可論沾灑浦堦除聊用滌蒸煩

三

夏月每苦蠅况當耽臥時豈其解附炎偏凌衰
賸姿應知事務簡未許遂所期卽此偃仰適如
或有制之起坐一長嘆造物匪我私

四

侵晨褰簾帷堦潤知夜雨生意滿蒙茸紅紫紛
爲伍氣候良不愆觸目皆有取襍穢醜黑甜不
覺天澤普我欲買甘蕉盡樹牕前土

五

驅車過廣陌雨後失埃塵劍佩何雜沓意氣皆
無倫競傳見蝗飛耳目若一新歲事方未半霑
潦亦已頻衰謝鮮所禪趨走敢逡巡

六

夏暑易爲雨雲起成夕霖隨風侵疎簾冥色連
遠岑下直抱微疴閉門遂幽尋慙無用世資羈
棲負華簪舉觴不能醉空懷梁甫吟

七

雨餘衆籟寂一枕何蕭瑟森沉雲未開安知尚
夕日片晷息微躬適宜衰隤質紛然百卉榮川
梁憂蕩滴氣化竟難齊冥心看得失

八

老至恹蚤涼晨興覓薄醉駕言趨西瀛烟雨迷
市肆豈不苦泥活驅馳當盡瘁疆圉有荷戈簿
書心目匱從容旃厦間美祿良滋愧安得雨暘
調大有登上瑞

九

積雨朝氣肅早駕趨承明抱疴增衰羸王事原
有程我僕亦摧隤日月苦邁征川波去不息浮
雲終日行市闐何喧闐勤瘁各所營古今一形

役安得盡忘情

十

遵往歷通達耳目鮮所歡
轂擊與肩摩中懷各
莫殫岩堯望閭闔葱蒨
何鬱盤磚墻抗青冥未
散雨氣寒珥筆容衰白
誰云形影單

十一

太液漲積雨紛然衆芳聚
明媚茵蔯舒翠蓋爭
擎露連山艸樹青葭蒨
迷宿霧回首入直初物

華盡非故愧此樗散姿從容慰遲暮

十二

浮圖峙乾隅上與青冥齊
粧樓沒舊址蘭若俯
清谿梵唄亂方言飛錫大
食西當夏艸色勻烟
靄望中迷近闕映丹霞
昕夕白雲棲俛仰亘千
秋安得一杖藜

十三

禁廬滿晴光務簡午漏靜
輕風來遠津當牕疏

槐影既可息疲蹇亦足遂幽領
瘵曠同百司追責彌自省
一枕扶摧墮日長懷耿耿

十四

羣芳萃蓬瀛雨餘弄清泚
出門陟金鰲騁望香十里
萬綠艷紅蕖白鳥波中起
夾岍美蔭稠帘幕接瑤圮
豫遊度龍舟盪柁天鏡裏
丹堊敞北臺積翠峰對峙
退食領餘閒清興殊未已
何來金張兒挾彈兼調矢

十五

暑雨干氣候暄涼靡定期
直廬歷晨昏衰餘解所宜
束帶苦鬱蒸當牖恹寒颼
豈云盭沴繁自慙蒲柳姿
頗賴簡酬應食息聊以時
却老更無方靜默諒可持

十六

邸舍靜車轍繁陰坐涼夕
亭午署御函事過已陳迹
傾壺不借人薄醉足自適
售櫝訝還珠

飾貌竟奚益巧拙理靡常順受無跼踏卜肆陳
著龜勞勞仍形役

十七

請急值積陰終朝駭簷溜益益移停波階除穀
紋皺欹枕那成眠陳編防屋漏勢欲蕩川梁禾
黍應已漚望歲滿長安靈潦將焉救洩雲久未
開冥冥變白晝得失亦相伴衰疾榻可就解性
怯趨迎門無剩客扣索米踰十年水旱胡屢遘

伏日晚直卽事二首

夏盛西清麗金鋪晝不扃水攢深淺綠山疊有
無青祕謁遺虛殿登禾憶古亭薰風吹暑薄地
勝雨偏靈

連日御河水平添數尺強浮香沒斷柳漾碧袍
回塘更覺輕帆駛彌增曲榭涼公餘恣勝覽獨
坐興仍長

夏日直西苑 賜蓮實恭紀

御苑逶迤遶清川荷花幾曲紅欲然沐浴天波
華復實蓮房的的香可憐儂直經時不敢摘薦
新應上

至尊筵今午馳道錦韉來驚承頒 賜自瀛臺
傾懷盈席碧于水手擘芳甘近日開衰遲逐隊
恣饜飽素餐滋愧影裒衷私喜蒙 恩近水殿
齋房紫芝那堪羨卻愁霴霖尚未停菡萏爭開
禾耳變安得雨腸頓若時無須菱芡滿郊甸

又近體一首同登凡

太液池中百子蓮直廬分自九重天攜來箇箇
花房嫩劈破頭頭玉筋圓幾度蘭橈煩採折一
時霜鬢與傳宣漫誇華嶽三峰實飽沃
君恩味更鮮

和登凡中伏日喜晴

卜歲當中伏新晴久雨餘旭光團禁樹煖景敞
周廬大陸長風遠環山積翠舒時和歸

帝德衰謝意何如

早趨直舍卽事二首

晴日新經雨朝來氣更清白雲閒古嶼碧水抱
層城陌遠曦光動臺高闕影橫自憐依禁祕疎
懶廢趨迎

伏日疑無暑西清地本偏波添全浸樹香遠正
舒蓮老剩驅馳力閒分寂寞綠初來曾有約消
受待秋天

瀛兒初薙髮

正可看頭角今當薙髮初試衣提抱裏索乳笑
啼餘已喜蘭符夢更憐玉映裾異時何所覩仍
付一編書

署中感興

夏暑成吾懶連朝竟廢書旭光高枕裏客緒溽
蒸餘老病因時逼閒情與藁疎獨憐葭莖色似
遶故園廬

送沈繹堂編脩治兵禹州

沈子戒行役言向嵩河道樹羽古釣州應及秋
風旱子本金閨彥丘索夙探討旣負屏翰長橐
鞬珮亦好王事有驅馳毛錐焉足老茲地余舊
遊睥睨清潁抱高峙鳳凰樓詩情未枯槁顧值
滄桑餘民生苦艸艸瓠子壁初沉洪流仍浩浩
利病動相關子遺貴終保素無溫飽謀當官乃
自考突兀留鑿坡一去迹豈掃

雨中入直口號

抱疴彌增老驅馳更不禁陌長驚雨驟不敢怯
風侵塋影迷霄漢荷香暗禁林有懷深沁水無
計謝華簪

雨中下直口號

驅車衝積雨晚色益森沉齒暮涼偏早衰多感
自深懷柔歸 廟略翼贊見臣心伴食嗟何補
空餘寂寞吟

團扇

紈扇圓且潔炎蒸常在手効用自有時寧嗟篋
筭久何以慎護持應物貴不苟

薄醉

薄醉願已盈晚涼况經雨出門走京洛入門卽
吾土脫帽近疎簾薰風滿環堵流雲露缺月素
鬼正當午轉睫恐失之壺觴手能取誰謂寂無
儔形影儼賓主興來失衰遲婆娑輒欲舞六十

三年間此樂亦堪數陰晴復難期簷溜時驟怒
歲事似堪憂常祿讓農圃素餐容優游代耕不
猶愈任運聊自怡潦倒筇可拄

對月有懷

華月炯纖雲疎簾透清影雨餘六宇空先秋氣
已靜霜鬢相映明遂欲忘夜永對此感離索有
懷自耿耿迨遽剩關河思繁誰與整

晨興

連朝苦積雨雨歇涼亦好中伏大蘊隆遂覺秋
意早白髮耐奔馳京塵不煩掃晨興趨闔闔
光淡穹昊烟靄蔽郊原團露盈茂艸六月近蕭
森何以登萬寶客緒憶東疇憂心竟如擣

和豈凡退直喜晴

馬首山光近烟收翠欲流蟬聲傳禁樹霞影起
城樓入夜涼生月開罇客散愁更憐憂歲意得
句肯相投

夜坐感興

候改知衰病炎蒸憶晚風婆娑眠足後箕踞月
明中應世原宜拙何人尚送窮好將泉石慕聊
慰白頭翁

客懷

客懷何落落晨夕犯緇塵世事餘衰謝交情憶
隱淪攜書常恨懶買藥乍知貧喜得隣家酒今
年比聖人

六月十五日

伏日涼宜月兼逢紀望時
籠雲光自滿攜雨影
仍隨歷亂螢無色紛披露有姿
秋期知欲至特地透簾帷

中夜

時序不可挽明日忽當秋
如何中夜暑仍挾雨
氣浮蚊蚋嗜肌膚攬夢如相讐
嗟爾不擇老營營尚有求
邸舍滿庭樹綠蔭白日稠
育此族類

繁美惡亦足酬人生難滿意
吾于爾何尤

雨歇

雨歇散朝霞曦光開宿霧
櫛沐振絡塵驅馳闔
闔路迂疎寡挾持幽栖志
有素覆餗日叢讐衰
白竟自誤征邁去不畱
炎蒸漸成故感嘆對流
光身外更何慕

立秋日夜雨曉晴

暑餘逢節換夜雨積莓苔
自是催秋氣其如動

客懷曉光依樹溼爽意帶雲回不盡紅塵夢
憐泌水隈

署中立秋一首

時序潛移午漏中何辭蕭瑟對芳叢
寒生雨後薰葭水香老池邊菡萏風
白髮有情常得戀青山無夢若爲通
依然歲歲新秋色漸覺衰多便不同

立秋後一日夜坐

不謂秋風至遂及暑未殘張燈對早夜
涼月隱簷端露光挾雨重螢飛影未乾
浮生已白髮徵逐興久闌一杯聊足把
萬事信等閒請看四時序先後誰能干
且復理敝綌入佩襲芳蘭

見螢火戲題二首

暑剩西風早流螢照客幃月遲偏弄色
星遠各爭輝自解依人度翻憐傍戶飛
攤書吾已懶任向亂叢歸

堪嗟腐艸質亦自帶陽光晦迹疑私照分輝近
熱腸花前仍箇箇風處竟茫茫熠燿如多事宵
征有底忙

行御河上見蓮花盛開

禁苑新秋色芙蓉滿御河似嫌蕭瑟驟故發艷
紅多帶露擎繁朶含香映綠波常將舒老眼短
鬢任婆娑

鄉書

鄉書來好語豆雨亦當期歲稔猶堪恃官貧更
不辭蒼茫雲樹遠衰謝夢魂疑何日偕隣叟相
尋過竹籬

蠅拂子

暑月苦蠅蠅聲沸自過市門買蠅拂削圓直幹
幹如鐵驥尾條條白似雪中懸半縷新茜紅睛
雲籠罩霞明滅兩端金環相鈎連提挈一揮散
輕烟簾帷不動風颯然一室那聞青蠅喧吁嗟

爾蠅亦可憐趨羶逐臭點芳筵託生糞穢弗自
惜驅之使遠庶兩全由來造物無不有各遂生
成在自取我欲憎蠅蠅轉多何如此拂常在手

朝爽入署

驅車臨廣陌爽氣一何新山色自西赴杳靄復
嶙峋伏日雨風調市闌亦無塵華轂振聯鑣雜
沓滿重圍趨事各及時日月行當陳百艸澹溥
露桂巖香未勻物候原難愆蟬蛩亦有倫白髮

信驅馳惆悵對高旻

伏枕

秋來先伏枕况是白頭人晴日搖窓樹涼颺掠
席茵應無丹鼎分豈有病魔因萬籟喧歸靜居
然懶已真

過市見賣千葉蓮花戲題

猶是芙蓉種千層色更濃及秋香始滿出水蘂
先重留枕波中能含魚醉後容折來休自惜幸

得避遊蜂

秋早

涼夜催殘漏窓虛欲散暉夢仍紛客緒病已試
秋衣露重明高樹砧長動早扉新來搖落感不
爲憶漁磯

西苑雜咏

禁城勝地在西清畫舫乘秋取次行高柳新蟬
聽不盡紅蓮幾簇出波明

菱角鷄頭滿御河輕舟遙隔採蓮歌羽林競聽
傳宣下仍放青山入綠波

玉蝀橋邊爽氣浮芙蓉開處不曾秋龍舟戶牖
皆雲母雨後西山翠欲流

圓殿虛明抱玉欄白松高映赤城寒應多鸞鶴
雲中下不用金莖露滿盤

北臺秋敞對瀛臺塔影高騫翠一堆面面琉璃
浮錦繡鳧鷖唼葉過橋來

舊向蕉園聽雨聲
新懸金榜倚雲橫
秋光欲靜
幢幡影芳艸
長承玉輦行

景山繇亘傍湖隍
疊翠依雲入望來
山上行行
松檜茂凌霜
盡是近時栽

臺前馬埒靜無塵
樹裏平開彩幕新
一色蒹葭
秋意早晚涼
輸與盪舟人

孔雀舒屏對白鷗
貢來南海近
天顏不忘猛
士疆場意
竝育飛熊
綠水灣

風生曲榭罌魚鬪
潑潑銀鱗貫紫藤
應有近臣
分玉食
水晶盤內貯寒冰

寶閣凌空欄檻披
當年此地進青詞
秋光初冷
琉璃瓦
仍和經聲共祝禱

長橋幾曲到堆雲
寶馬香車晝夜聞
仍是周廬
嚴警地
特容飛錫點秋雯

澄碧遺基俯淥滄
支頤常對藕花陰
望中樹杪
搖帆影
知道龍舟過禁林

萬樹生涼別殿前
鑿輿咫尺奉傳宣
菰蒲露淨鳧鷗適
始信秋光禁地偏

秋曉入直

爽氣回閭闔
虛堂動早暉
兩行寒樹溼
一帶碧山圍
衣薄驚時改
年衰任病歸
望中馳道近
徑艸尚葳蕤

同登九行御河上

是日風

倬直餘霜鬢
蕭然忽覺秋
露殘溪鳥靜
香歛渚

蓮愁時序西風急
池臺晚照留
裴裒堪共賞
烟靄鏡中收

何處尋秋色
臺高夕日斜
綠先疏
荇藻黃已上
蒹葭闕影金莖冷
山形鴈塞賒
誰知蕭寂意
偏益鬢邊華

六月晦日署中

流火驅炎夏
清光滿直廬
蟬聲朝露咽
槐影午風疎
務簡懷偏適
時移興不虛
應知張翰意
非

爲戀鱸魚

病假二首

病裏銷清暇獨眠亭午時樹涼分露潤簾靜度
風遲入世衰難策居身澹可師經心親藥物不
是慕安期

邸舍常如客連朝忽斃閒新涼生艸樹遠興憶
溪山鳥語隨蛩籟苔衣照鬢斑相憐惟一豎特
地許開顏

隱蕉

雨後甘蕉綠經旬忽拄簷平添書幔溼陡出竹
牆尖自解搖風冷翻資蔽日炎世情爭覆鹿靜
對得良砭

直舍感興

載筆西清舍年光驟不同春深楊柳雨秋早芟
荷風落落塵情外悠悠大化中自無勾漏分地
勝息微躬

其二

老去詩腸澀新來客興多
物華繁禁苑時序歷
南訛坐任浮雲幻眠銷晝漏過
白鬚猶可燃寂寞欲如何

初還內直

直廬周四序常逐翠華移
殿閣澄新爽班聯肅
舊儀御函天上啓磚影檻前遲
迂拙仍無補空深退食思

七月初七直舍

七夕乘秋今天閨曉霧殘
杲恩明早旭螭陛擁
新寒待漏千官肅垂恩萬象歡
迨迨銀漢色應向月中看

七夕 是日頒赦

此夕存佳節蟾光入戶低
蛛筵開處炯星駕望
中迷髮短霜先滿風清霧欲
淒怪來秋意薄曉日照金鷄

晚歸見月

下直翻宜晚簾疏月正明雲遲空籟靜齒過衆
緣平生事耳資稼閒情憶守庚來朝仍客况何
以耐秋聲

雨中

雷雨一何急壺觴莫與同宦情疲蹇後歲事雨
風中幾藥辭高樹孤螢隱暮叢病餘仍怯卧鄉
藜若爲通

飲惠泉酒

曾醉錫山酒開罇得故人清涵澄澗月香散碧
筒春客夢常千里朱顏定幾巡難忘泉上興一
酌任吾真

內直 賜食紀 恩四首

寵被綸扉典更殊直廬珍饌應時俱盤行天上
芳鮮滿一一人間味總無

白粲香生色似銀盤中雜菹盡無倫偏知曲體

衰殘意腹脆朝朝割細鱗

却笑金莖怪賜露湯誇乙夜共燒梨欲知鼎脩
調和法仍向天家乞醬醢

虛銷常祿原滋愧更飽天庖愧有餘傲殺東方
饑欲死無勞南畝滿篝車

內直卽事

殿閣環螭陛秋光澹曉陰地閒羣籟靜氣肅
五雲深閱世餘霜鬢驚心憶越吟自憐仍伴食

衰謝負華簪

七月十五署中

又是中元節彤庭急雨多流雲時斷續衰影日
婆娑索米還憂歲傾壺且放歌莫令玄塞鴈遽
帶曉霜過

暮雨行

秋淺暑蒸成暮雨庭空樹老灑環堵雨聲斷續
聽重簷滴向牕蕉紛無數挑燈獨坐不見星溼

氣沉沉咽銜鼓幾旬今年幸有秋何復靈潦汗
后土老翁展齒怯泥淖喜晴應不減田父望舒
仙馭皎層雲安得蟾光圓夜午

朝雨行

五夜黑雲暗天光空階浙瀝聲琳琅客夢初回
不能寐雨師奮怒妒朝陽秋艸已白秋花折纔
徑披離曉風涼養子乞火亦寒裳欲出市闔苦
無梁貯書斗室偏漏幾處編戶塌垣墻支傾
決竇難周防號呼婦子競走藏余亦衰白耐露
溼不辨牛馬趨天閭當爲叩閭軫流亡

栽紫薇有咏

秋日營花事當軒樹紫薇迎風爭灼灼映月故
輝輝甘歷炎涼久全霑雨露肥玉堂原有分蠶
蝶過應稀

秋夜二首

秋夜生涼月恰當下直時穿簾帷影寂破夢杵

聲遲未了緇塵果偏推短鬢絲小陰渾不寐空
嘆歲華馳

一杯聊復把筋力仗餘閒詩思年年客鄉心處
處山西風吹樹急殘月照人彎海上槎何在吾
將問大還

和蘭國貢物

上以其酒賜西洋曆師恭紀


聖朝德化被遐荒海國和蘭重九譯競陳方物

表輸誠揚帆三載聽潮汐纍纍明珠走玉盤鐵
網珊瑚亦盈尺豈知服食弗貴異光華空驚賈
眼碧兼聞仍多琉璃瓶中外洞徹靡間隔內貯
舊釀紅與黃種種馨香動魂魄已經進

御未開封 頒賜遠臣渾不憖或惡旨酒符夏

王仰窺

睿慮竊有獲饋藥未達不敢嘗况來烟島麴生
液乃知 帝王經國謨卽此已堪勒金石



原件短缺

秋霽署中

霽景秋空淨直廬亭午時御函呈署早堂饌跡
陰遲遠岫來新爽閒吟逗客思獨驚雙鬢色不
耐晚風吹

送友人頒

詔四川

此去蠶叢路從天四牡過嶺猿啼綠樹江月照
清波遠徼看扶杖炎荒佇止戈壯遊詩思徧應
貯客囊多

優游索米季何久還山路豈修未明知足意辜
負雪盈頭

秋霽署中卽事

秋氣澄新霽直廬散曉寒牘清閒珥筆才拙愧
堂餐玉陛山圍檻金莖露滿盤蕭疎餘短髮十
載舊長安

南苑暮雨

秋風吹御苑秋雨沾叢薄扈蹕拱離宮新涼透

簾幕時序動客懷欹枕慰蕭索昨夜月未高已
足照斟酌今夜魄漸盈空向雲外落所值苦多
迂孤負在林壑却喜遠市廛未受緇塵虐蟾影
佇當圓高秋懸寥廓清興償有時衰齡失落魄
南苑雨中集飲二首

簾外蕭蕭雨高秋客興生及門拋短屐命酌引
深觥行殿輕烟溼寒山遠霧平同人情不淺得
句喜相賡

名釀來南國時鮮自海涯盡添衰齒健兼與晚
涼宜樹老傳聲急雲深度影遲明朝歸轡早敢
負偶然期

南苑蚤發

信宿長楊館言歸雨乍晴鑿輿催曉色獵騎
競嘶聲林潤秋光澹塵銷客思清關河多去鴈
遮莫近人鳴

和豈凡署中秋霽時自南苑初還

別苑涼生雨彤庭日送晴
虛牕搖闕影遠岫度
鴻聲地迴神偏暇機忘慮自清
應知仙仗轉半
慰老臣情

丙申生日二首

十載長安陌茲晨感興同
蕭疎添白髮淅瀝領
西風宦久忘爲客年衰愧號翁
難辭兒女意拚
醉博顏紅

邸舍莓苔靜閒銷退食時
客來推老健興減覺

衰遲自信還丹安誰云齊物疑
一杯堪獨覆秋
蓋正離披

晚歸邸舍二首

署尾依 螭陛歸鞍晚照紅
九衢流火後萬戶
急砧中涼月明高樹寒花歛
暮風壺觴頗不厭
自分白頭翁

坐看明月轉片片白雲浮
自覺涼生夜翻憐老
耐秋桂巖香欲透蘭佩露初收
遮莫關河杳兼

葭沁水頭

感興二首

我本局曲士誤與世法櫻所處云匪據遂爲時
指名鳥巢珍木顛彈射固恒情豈知倦飛羽棲
息澹無營秋艸諒多萎秋藥亦暫榮受氣有叅
差大造平若衡

二年看好月皎潔在中秋先虧得漸盈陰晴不

自謀如何舉世人中懷殫所求魯門鐘鼓音爰
居聽之愁欣戚有本性任運與天遊一壺足斟
酌物情空悠悠

暮歸

薄暮履中逵涼颼吹客袂皎月蔽重雲暗塵何
迢遞自傷白髮翁違時迹縈繫徵逐本非長時
艱亦鮮濟嗟此遺世懷莫能發真契惆悵存晤
言停輪安小魚往復理固然明朝應夕霽

中秋對月

長安當月夕追懽多綺筵久客白頭人懽情讓
少年日暮成退食圓魄已娟娟獨坐襲輝光塵
清氣肅然豈不戒零露時至各爲妍浮雲歸遠
岫衆星屢次聯炎冷有恆理進退自不愆授衣
甘蕭瑟奚辭砧杵前

送傅夢禎歸嵩山

如何君未老歸去臥嵩山遊屐烟嵐溼方書藥

竈閒回頭看襤襪洗耳聽潺湲莫漫歌招隱高
踪豈易攀

二

極目關山冷行裝已暮秋望雲懷竹嶼隨鴈度
河洲白眼無從著青樽不待求應憐朋輩在京
洛尚悠悠

寒露日途次見賣菊花

秋中節早換已是菊花時黃坼籬邊蕊香生露

下姿驚寒紛客緒
紉佩負心期
惆悵如何適白
頭望海涯

秋日內直

務簡函封早
秋高晝漏深
風寒三殿影
日澹五雲陰
病久脾先減
愁繁老益侵
自憐衰鬢短
霜入恐難禁

秋夜

何處聳蛩語
秋堂月上時
久知身是客
彌覺鬢

成絲悽切隨風急
蕭疎帶露悲
不堪南去鴈
相和透簾帷

秋夜

風寒秋已暮
入夜一燈明
覓醉壺仍滿
違時夢易驚
樹疎聲肅肅
苔靜露盈盈
空羨霜前羽
羣鳴自遠征

奉

旨輪日晚直紀恩

縻祿嗟華髮服勤亦曠官同人年半老更直典
何寬務簡趨陰易恩深報稱難從茲休暇數
應不怯新寒

秋日雨中晚直

急景澹重陰風回雨乍侵添寒雜禁漏促暮失
遙岑香散籬間葢霜催塞外禽難辭蕭寂意一
效越人吟

雨中友人惠菊

退食重門寂籬黃冒雨來故人情不淺良夜藥
全開色靜先霜冷香浮向酒催真憐秋令早八
月映莠苔

簾外簷聲急罇前花影繁原甘桃李後却少蝶
蜂喧帶雨開仍歛迎風靜欲翻白頭聊可慰此
意與誰論

秋感二首

秋氣肅晨曦出門雜征轂寓目百卉凋籬黃競

散馥感此搖落期嘆息仍徵逐遲暮本無營投
足多踏蹶豈必迂物情谿谷在原陸君子澹世
緣乘下不信宿歲月守黃扉蕭瑟變炎煬諒哉
南華言莫訝虛舟觸

二

寒日一何駛餘暉隱東榮得失等朝暮達人貴
不驚燦燦籬邊菊開落本無情獨以凌霜姿處
後抱孤貞何爲競早妍擾擾急邁征萬彙共亭

毒進退各有程

瀛臺直講蒙

賜鞍馬紀 思一首

儒生咕嗶媿衰遲何意橫經荷 主知豈有
蠹編堪報稱却分龍廐代驅馳錦鞵映日輝芸
案金勒嘶風動玉墀共仰就將勤典學願竭駑
鈍荅思私

坦菴過飲惠詩次韻奉荅二首

門外塵如染罇前菊正黃不緣來老友誰與共
孤芳映燭踈偏媚浮杯澹自香護持仍近幕未
屑試凌霜

二

飽看長安菊驚心又十年白頭堪自哂綠蟻解
相憐庭樹挾風急籬葩浥露妍莫愁喧櫪馬不
醉忍言旋

送施尚白視學山左二首

大雅今寥落宣城著作殊幾年官自冷五字興
難孤鵬羽低霄漢龍文燦輓轡持衡從此去北
斗亦東隅

二

秋杪文星動東臨紫氣多自天分化雨到海變
絃歌驛路三齊古霜風四牡過雪宮行駐節得
句定如何

九日署中二首

秋氣澄閩闔，不覺曉日斜。
霜明餘白髮，徑寂憶黃
花。雁度桑乾急，笳寒榆塞
賒。莫添搖落感，客久已如
家。

二

極目關河杳，憑高臺殿涼。
山圍千雉碧，霜澹九衢長。
寂寞原堪老，登臨劇可忘。
安排酌退食，一醉菊花傍。

九日晚興

籬葩開已老，獨坐近黃昏。
風吼初疎樹，霜寒欲斷雲。
授衣驚候改，得月耐宵分。
何處登高侶，言歸趣夕曛。

送張石帆東歸

送別嘗秋日，東山又斲還。
高眠君不厭，遲去我應頑。
古道黃花老，清霜客鬢斑。
石樓仍可眺，此興杳難攀。

送蔡年兄歸台州

聚首重燕市悽然看此行空慙賒面別忽漫速
歸程棹短檣烏寂霜繁旅雁驚爛柯山尚好應
理采芝盟

秋盡

秋盡慘朝陰蕭條鷺暮齒九陌滿寒煙馬跡雜
車軌嗟峨闔闔門逶迤鳴珂里所遇一以新籬
黃剝殘蘂宿鳥隱疎枝涼颺靜淺沚豈不惜流
光往復方未已

晨起趨直

踈牖上寒日遠照西北隅時至不暇懶急景供
馳驅朔風初罷吼落葉滿空除擾擾紫陌塵彌
驚氣候殊攬衣但三嘆空使容華徂

立冬夜二首

空庭綠樹凋東上初冬月樹踈光玲瓏新寒生
華髮隔日秋已徂既往摠倏忽歲月本無情浪
擲彌倉猝填海勞精衛愚智同滅没引觴對蟾

蝮忘言省咄咄

二

秋夜既苦永冬夜轉含淒颯颯朔風鳴欲驚暮
棲雞嗟此迂踈質白首照然藜淄塵不可浣歸
來疲馬蹄繁霜邇堅冰得喪諒亦齊杯中饒綠
蟻非爲慕阮嵇

霜曉趨直

驅車凌紫陌初日照霜痕古樹踈還落寒禽靜

欲喧有懷嗟老懶無夢滌塵煩楫拙當年煖侵
晨尚閉門

偶興

宿霧吐朝曦蕭森動遠陌吾衰苦踳跚物役仍
相迫海山舊嵯峨寒日峰峰碧京塵三十年遂
與夢魂隔霜霰點征裘徵逐亂行跡負媿山中
人未屑移文責

夜風庭樹盡脫感賦五韻

冬氣入庭柯一夕葉全落豈不惜飄零物理有
棲託時至得收藏莫厭涼飈虐寒沍伏發榮進
退原相錯近戶亂繁星篝燈護簾幕

下直

西山銜晚照珥筆下螭頭宦拙仍餘懶時移又
送秋新寒生輦路老病戀征裘殊負東山約宵
行尚未休

避馬行

天馬來古爲瑞以眎今不足貴千匹萬匹色如
雲權竒滅沒汗血羣天廐牧圉仗鞭箠朝朝驅
出閭闔門閭闔門外輦道旁泉潔水清秋草長
奔騰齧齧初隕霜從容顧步疑龍翔北去天山
數千里矯首朔風嘶未已不假羈勒渡桑乾願
効驅馳靖邊鄙獨有老翁怕趨走驚塵撲面竚
立久但願四海戢戈鋌一朝仍放華山前

避車行

長安冬日擁新寒正陽橋邊車似攢輻轉輪飛
絡繹來撞擊聲動五雲端道旁行人空躑躅喧
闐不覺輦路寬老夫趨直攬敝裘侵晨逐隊立
橋頭飽看牧豎駕青犢眼前急景任去留金門
迢遞一何賒到時曉日上堦斜仍苦蹒跚三嘆
息昨朝避馬今避車

紀事

黃輿輝紫陌幾處息鳴騶降格靈如在明裡藻

可羞風寒僊仗肅塵靜曉烟收何似休屠俗吹
笳玉塞陬

待漏感懷

坐待金門曉風清五夜霜宦情雙鬢短客况九
衢長寒入占群動歸遲憶故鄉有秋新寄語筋
力愧登場

初冬雨中入直

澗衣朝雨細仍向小春來知後籬邊菊能先嶺

上梅寒雲低欲度曉漏暗相催自笑摧墮甚銅
龍日幾回

送薛年家之任粵西便道過南康晤令弟
郡守

燕雲催雨雪匹馬粵西行邊徼懷柔急 君

息跋涉輕朔風吹大陸春日到荒城取道南康
穩鴿原去住情

署中初雪

直廬輝薄幌應候雪初明忽改天街色全寒禁
樹聲漏沉高閣靜風定暮雲平伴食添清興叅
差遠岫橫

朝雪歎

長安應候雪當牖亂曙暉既變紫陌塵亦點客
子衣塵凍行路難衣潤增朝寒慘澹雜天風長
空色漫漫寂欺老夫鬢霜明拭不乾亦有楮
火不暇擁爐看

寄題蔡魁吾重修滕王閣

浩浩洪都江翼翼滕王閣勝蹟亘千秋賦成事
如昨歲月有推遷繁華易寂寞况復閱滄桑飽
經兵燹雲南浦與西山蕭瑟空寥廓蔡公仗鉞
來緩急備相度一旦逃亡屋市廛趾相錯轅門
角不喧四野安耕鑿遂令百廢興傑閣峙丹艸
清興快登臨兼足暢斟酌後逸享今勞宜念戡
定畧江山自古今無負怡堂作

苦寒行

日昏野曠天風發長林摧折長川竭直廬簸蕩
走驚沙凍合盆盎炊煙歇毳幕重裘失故濕韞
弓韃矢冰雪窟老夫蹠蹠不窺簾坐看短景向
西沒闐闐崔巍尺五餘河梁欲折不可越始知
前夜月暈時已駕颼輪來窮髮氣機倚伏貴况
明悔無奇綿備倉猝

冬日行

年年晴日冬皆好今年冬日尤堪寶野荒幕薄
隔疎簾早上扶桑送杲杲似憐僂直苦宵長偏
容暴背慰衰老寒林曉影照輪蹄鼙鼓霓旌雜
羽葆豺狼遁迹狐兔藏期門盡在回中道自然
霜霰避和鸞戴天近日怡懷抱四郊舉趾亦有
時願見同雲回枯槁

冬月行

常時看月喜秋天誰信冬宵月倍妍風回氣肅

平野濶盈盈皓魄如鏡懸樹疎草曰晚烟歇蒼
茫遠岫帶寒川上林如畫翠華明獲禽獵騎歸
轡聯老翁扈蹕罷登眺清輝偏墮直廬前翻悔
向來盡虛度斗室待月非良晤冰壺千里照霜
華舞筵歌席空無數

夜坐卽事

自覺寒偏劇宵長野處時疎林懸月寂疲馬帶
霜嘶爐火全依岸天風乍薄帷孤燈無意緒空

照鬢邊絲

曉風行

日暮同雲送蕭瑟蟾蜍無光原野黑五夜噓吸
動地來萬里吹蕩杳無迹枕上夢回似聽潮衆
籟聲稀樹怒號斗杓欲移不能定曦馭却走若
木彫我有一廬大如斗朝夕撐維蔽衰朽擁裘
跼蹐強高眠出門怕見塵沙走三冬朝夕近離
宮頗恠南箕偏好風

鳴鏑行紀事也

闔闔門外回中路翠華過後鳴鏑度紫駟蹀躞
炫諾于往來彳亍行人步堅冰可駕河有梁咫
尺通達煩驚顧君不見太行策勲大蘭摧投戈
奮背分迷悟男兒敢決貴乘時難言富貴草頭
露終南捷徑古未工何不翻然更厥故

偶興

望後遲上月昏星紛爭照原樹動微風浙瀝助

清峭迂踈本寡儔一觴匪寄傲寂寞擁寒爐欲
發孫登嘯

永夜行

年年冬夜苦漏永今冬夜漏覺倍長白頭野處
帷幕薄時有驚風來大荒每日晏坐不竟夕摧
隤伏枕敝裘涼迂踈潦倒事多悔內訟偏與客
夢妨到耳鷄聲何太晚嘶霜握馬刁斗旁少時
爲樂願秉燭豈知老大夜彷徨却憐白日亦虛
擲且甘偃卧審退藏千里故園楮拙冷寒宵愁
思兩茫茫

望闕行

上林冬日風未輟馳道霓旌紛成列鑿輿西指
又離宮驂騶駮耳忽騰越前飛雕鵠後韓盧霜
原翻盡狐兔窟同人扈從逐驚塵筋力獨衰中
道歇褰裳跼步踏玄冰珥筆無補空白髮陽回
計日見春蒐矯首鳳城望雙闕

小寒日移直晚坐卽事

危蹕初冬杪移直又小寒近宮傳柝肅聽雪坐
燈殘客况嘗應慣詩情老欲闌一觴拚獨醉倒
著鷓鷯冠

遣興

慘慘同雲色無風朔氣侵竹爐分宿火毳幕隱
踈林暗景寒彌駛孤懷靜易深摧墮添客緒髮
短若爲禁

喜雪

睿慮冬憂歲六花應禱來平添寒壠潤兼靜豫
遊埃列岫遙堪接踈林素作堆衰唐無寸補不
敢賦鹽梅

二

集霰昨宵急霏微此夕勻聲寒低入樹色淨近
依人報蜡時將屆蟄蝗用已神不孤野處興雙
鬢耐如銀

雪中豈凡星巖携酒見過

年來時雪難常有瑞應欣逢起衰朽擁爐獨坐
欲爲歡况得同人携美酒入門促膝凍雲垂座
側六花大如手來春農事卜茲辰素飡但愧妨
賢久抖擞老態領餘閒何必留髡計石斗更深
浙瀝響重帟醉後長吟搔白首

後苦寒行

前日苦寒若狂飈今夜苦寒若積雪皚皚入望

迷川原風迴突兀成丘垤老夫危坐數宵籌袖
中十指直如鐵夜闌片月似懸冰凍合繁星明
復滅遲遲曙色動天閭踏碎琉璃行蹙躡却愁
地坼孤陽絕

雪後卽事

雪後晴光好寒暉滿直廬凍消仍珥筆事簡目
程書卷慢饑鳥近依山落木踈衰年忘覆鹿午
夢亦蘧蘧

夜坐遣興

朔風吹永漏寒樹近離宮老至身爲累緣平物
可同一樽聊爾爾百歲竟怱怱欲問東山桂年
來發幾叢

雪後看西山

上林遙對西山麓晴日常看峰矗矗
隔蒼茫那知雪霽森如簇遍疏巘壑借天工不
殊刻畫人肩日夕日欲沉返照明一片寒光竟
相逐我有孤筇無處携玄冰涸沍迷崖谷彷彿
炊烟過岫青其中應有幽人屋

對酒行

我有一壺酒堪送客舍愁日月不相待倏忽已
白頭歡情減於昔常恐負清筇如何霜雪晨齷
齷不自謀盤中餘鱗螯杯竿弗外求古人留放
歌寄興儼唱酬醉後換衰容矍鑠似鮮雋所以
賢達士沉酣戀糟丘野曠多哀響禿樹助颼颼

栗發尚窮陰，饑鳥聲啾啾。萬彙共蕭瑟，焉用笑
蜉蝣。神仙不可學，蓬閬任悠悠。

寒夜懷菊潭坦菴雲齋行塢礪岳諸子時
今楚偶遊都門，皆戊辰同籍也。

十載長安省交遊，常同杯酒皆我儔。往復狂吟
足散愁，緇塵白眼任時流。冬來離索直南苑，積
雪空明照敝裘。咫尺天閭蓬閬脩遙聞，良晤與
靡由。宗伯堂宮端署清華優閒原堪妒，黃門焚

草司馬忙何緣，此日偏相聚。兼傳好友故鄉來，
擁爐探韻竟奇遇。興至獨坐仍長歌，星垂四野
晚風多。覓醉不醉影婆娑，崢嶸暮齒尚鳴珂。霜
霰時零可若何。

臘日卽事

臘日融冬雪離宮近，暖多絳雲籠。夕照素壠散
寒波，客久壺觴懶。年衰歲月過，踈梅應坼蘂。無
計問巖阿。

夜坐感興

雪殘明月出相映素輝寒片雲生遠岫蕭條夜
已闌獨酌不辭醉摧墮短髻斑入世苦無資未
歸媿素餐裘回不能寐永漏雜長嘆

再移直卽事

十二月初九日

季冬際重陰上林滿積雪扈蹕發西宮堅冰道
曲折嘶馬雜車聲蝶躐忘疲茶至止行殿旁林
莽地清切掃除仗隸人直廬儼舊列同是野處
寒耳目習則別霜霰適相催客懷益蕭屑刁斗
徹嚴更朔風吹不絕

晚眺罷咏懷

前來扈蹕尚初冬閱盡寒沍歲已暮臘過陽生
雪漸消夾斥凌漸侵官路陂陀岡巒晚照黃早
懸片月映川梁獵馬言歸旌旆揚依然時狩匪
禽荒屈指春回數日間四郊舉趾三農懽獨嗟
伴食空素餐流光如矢催衰顏少年經春覺春

好老年見春春亦老千端客緒集登臨拚將酌
酹酬懷抱

立春日雪

帝里陽和轉餘寒散六花占年原紀瑞應節更
增華苑柳依梅動寒雲抱塞賒條風催午漏煖
色入流霞

除日直舍作

除日依螭陛晨寒動禁扉神荼輝立榜仙樂待

垂衣地切辛盤數風微晝漏稀無窮時序意徒
倚對斜暉

來日大難

來日大難朔風苦寒曉趨閭闔短髻已殘足踏
踖兮匪我衣單平陸爲谷兮多嶮艱太行蠹蠹
兮高不可攀欲奮飛兮問大還蓬瀛萬里兮隔
驚湍安期不可見誰與爲懽壺中有酒返朱顏
醉舞傴僂側籜冠沉沉永漏白榆攢晦明遞禪

今終古漫漫我欲與之爲虛舟今旣冥且頭來
日大難兮今夕間

秦女捲衣

粲粲秦宮女捲衣代阿誰紫宮來雄鳳蛾眉空
爾爲歡情不敵席耀甲南山陞君意猶未歇世
事有參差昔日捲衣人徒老良足悲

枯魚過河泣

龍爲魚不免射况魚質避焉適願慎出入亦中

策魴鱖得書空跼躅古有挾術醢龍人何恠波
中天地窄

上之回

回中富臺殿盤鬱遙相望僊仗天上來草木生
輝光蒐狩各以時匪云從禽荒渭濱有釣叟所
獲乃非常旆旌護雕輪辭輦傲在旁望幸蒲離
宮涕洟空自傷

陌上桑

裊裊桑樹枝纖纖羅敷手何來錦鞍韉道旁駐
馬久莫笑使君愚羅敷美且都鬢髮映明眸易
使觀者娛羅敷前致詞使君立踟躕禮義以自
閑有懷各不殊青樓多名倡蛾眉姣且長朝迎
輕薄兒暮宿遊冶郎棄擲亦轉盼空作倚門粧
婦人貴立身眎彼陌上桑

夜坐吟

北風凝寒晝漏殘缺月漸高夜漫漫燈花屢燼

更未闌發微吟動長嘆燕市舊有漸離筑歌聲
激烈髮指冠于今此聲久寂寞黃金不多交不
懽知面易知心難白頭吟成無與寄挑燈獨坐
影盤桓

長歌行

管人有長歌歌竟語聲咽爲惜桃李顏黽勉供
疲茶桃李富容華容華偏易輟不如任開落任
復原遶閱松栢歷于秋爲薪有摧折不改歲寒

姿孤貞自怡悅無與斧斤緣卽是大年訣抗手
謝松喬丹成終忝竊

短歌行

管人有短歌歌成壺觴發慷慨對流光糟丘送
日月日月本如馳賢愚同滅沒三萬六千場懽
情亦易歇差勝勾漏砂終古祕巖窟學仙竟難
成碌碌仍白髮杜康白墮千載名眼前不見持
螯生欲共虎賁相對飲且喜長安酒價平

鳴雁行

飛飛北來雁一一相逐鳴旣苦雪霜逼安辭萬
里征朝度天山雲暮過黃河冰失侶每哀號最
傷旅客情關山凡幾宿羽翮因風橫高騫遠稱
梁歸必及春晴月黑常畏羅月曲或疑弓負形
天地間偏在憂患中不如木與石寒暑皆自適
不如簷際雀近人甘咫尺料得衡陽回來年慎
行役

北風行

玄冥司令風怒號北來噓吸萬木凋谿澗冰立
咽河橋蕭條極目關山遙駕短轅策羸馬朝朝
蹴躡閶闔下不畏歲月去如流但覺霜霰動客
愁偏側崎嶇滿道周回幹天地將奚由北風來
尚未休車摧馬瘠君焉投

相逢行

何來金根車相逢在路隅疑從霍家出從者馮

子都時時褰珠箔四顧道旁妹京洛多佳人但
恐蛾眉或得如蛾眉不相讓車中增惆悵他人
房闈尚懷妬何況入宮許相傍豈知長門人翻
因妬見棄買賦費黃金千載空涕泪

放歌行

天地何綿邈往復相推遷古來賢達士不受外
物牽著足在京洛名利易糾纏役役供朝夕貴
賤各爭妍飈車無停輪前摧後復然不覺時序

急隕霜已冰堅金石匪爲壽無人繼偃佗萬物
等芻狗悲歡竟幻緣齷齪豈足戀曠觀對八埏
放歌終一闕含情莫與宣

朗月行

初冬欲圓月高挂暮雲端衆星雜隱現彌增幃
幕寒陰瓦戴積霜參差未遽殘不殊秋魄皎賞
翫漸覺難攬瑜張錦瑟珍珠簇金盤愛此永夜
光擁裘獨未閒

結客少年場行

君不見夷門侯生已白頭素交朱亥應魏公子
之求又不見汲井里勇士聶政許仲子屠腸抉
面及其姊古來少年廿爲知己用紛紛千載盡
如此執轡愈恭竟虛文千金於我如浮雲虞卿
棄印交道存躍馬食肉焉足論吾願少年努白
愛千里駿足無沉淪

門有車馬客行

馬金絡車丹輪五侯門前若雲屯白日挾刺苦
逡巡乙夜歌鐘動比隣佩橐鞬垂大紳何必謀
面始相親金盤行炙紫衣新座中妙舞亦絕倫
反覆噂喅多要津掌上風雷疑鬼神魏其失勢
不足數賓客盡在武安門當時亦有公孫閣來
眠布被曾幾人

邯鄲才人嫁爲厮養卒婦

邯鄲有佳人早入趙王宮披服盡綺縠叢臺鬪

春風一旦去椒寢顛顛失所從不復理歌舞
樓臺將與同雖無貫魚寵伉儷亦爲容鷄狗各得
將猶勝逐飄蓬

行路難

行路難况寒月霜霰零北風發川梁摧折不可
越不信原陸有谿山但看長安客子顏朝黑頭
暮鬢斑車怠馬煩靡優閒寧過瞿塘峽寧上太
行顛九逵坦坦不易前宵然莫測臨重淵願留

餘地得回旋

冬野詩

玄冬變風日野曠彌蕭森
古樹無寧枝栖禽多
哀音茫茫連衰草飛蓬亂
遠岑僕馬一摧隕解
鞍暮色侵簾幕護孤焰
寂歷在中林

二

霽色開晨光敞廬驚客枕
叢薄亂鳴鴉點綴早
寒凜寒簾見輪鞅牧圍蒙
霜際衆動不違時退

藏貴自審

三

山光何慘澹谿涸漸不流
大道明柔沙車騎未
曾休驚塵暗林藪急景照
征裘道旁啁啾雀苦
饑靡所投

四

日月苦易邁寒沍益其駛
曝背尚未溫曦馭已
西指寥寥榛莽外幾縷炊煙起
窮陰伏孤陽往

復原不已白髮理徹裘坐看暮山紫

五

昏星先缺月幕火盡相依牛羊下近岡獵騎帶
禽歸瀾望草色白村墟隱參差衰年倦杖屨出
戶力已疲寂寞銷永漏一觴聊復持

六

宵靜不暇寐驚颺下林杪寒月擁半輪霜華同
皎皎時有櫪馬嘶似憶天山草雖非苦遠役野

處夜難曉大漠接寒威感嘆年偏老

七

寒幕分儔侶參錯各相向雞豚識所歸如忘原
陸曠登陟俯平林咫尺揖遙嶂愛此晴日輝一
拜玄冥貺

八

靈囿勢綿邈長河貫其中河梁戴積霜翼翼駕
修虹緬矚寒疇寂遠禽過踈叢馴鹿亦駭人何

如原上犢海客昔狎鷗忘機安得同

九

日入散暝烟飛塵擁歸馬躡騰汗血餘新獵長
楊下嘶迎廣漠風遊衍宜中野却笑轅下駒過
市無顧者

十

周覽負良隅宛見閭閻路路側仰飛薨寒羽不
能度絳節朝玉霄珊珊雜佩聚時狩此薦馨神

光儼可遇嗤彼五時勞徒爲方士誤

十一

微陰澹野色踈木鳴寒禽獨步遵溪渚遠眺散
幽襟筋力視前減感嘆亦已深無才酬伴食且
得類浮沉

十二

終風送寒日窺戶已近午蕭瑟摧長林吼聲勢
尚怒饑鳥護危巢震蕩及飛羽占歲宜時風乖

錯理難覩僊仗過崆峒清塵應有取極目迷荒
原烟冷塌環堵

十三

崇墉峙廢楹猶存幄殿趾傳聞勝代時中葉已
荆杞老樹瀾荒壠幾見翠華止卒歲此豫遊比
屋田畷喜獵騎擁和鸞霜迹載車軌兕觥酬獻
豨偕樂歸上理

十四

廣潦舊透迤杳靄見西宮堅冰駕颺輪天仗來
玄冬我僕控銜勒敝裘犯晚風夕日散餘寒返
照簾幕紅葭管候灰飛觥發亦有終驅馳剝復
交屏息飭微躬

十五

朔風吹纖月夜色暗周廬衆星雜隱現慘澹臨
座隅齒過無餘權敝帙亦時俱鼯鼠腹取盈奢
願匪所圖擾擾逐物役撫事空嗟吁

十六

晨霽對寒曦
軋隅山咫尺似憑昨夜風吹蕩
蒙翳迹薄雲助窮陰霜霰儼相迫
敝裘垂老翁徒倚憐影隻

十七

野肅月初弦微光動衰草入望見幕燈風雜漏
聲杳側聞駿奔儔星共同昏曉露處拂霜華將
度先蘋藻嗟彼關塞寒荷戈人易老

十八

至後陽炁煖寒楚圍平疇輪蹄滿馳道參差列
幕稿東西兩離宮玉趾旣已周扈蹕仗短策
歲月忽如流目力與時減讀書怯冥按登陟數
武間加食慰白頭

十九

昏月缺當午暝色亂暮烟歸馬聲相呼暗塵度
遠阡垂簾恬容膝時復散一編輒忘原隰曠擁

裘足高眠羣籟咽凝寒候至理不愆

二十

冬日長楊館朔風常苦寒今夕月微暈
臙發乃甃寬蒼茫顧四野歷歷白榆攢
衰年強爲樂舉觴興易闌生平固齷齪
未馳域外觀嘆息時序急漏靜獨盤桓



籟咽

上

籟咽